

針灸逢源

「清」李學川撰



〔清〕李學川 撰

針灸逢源

中國醫學珍本叢書

上海科學技術出版社

中國醫學珍本叢書
編選小組

金壽山
吳文鼎

裘沛然
何傳毅

朱邦賢 編選

刻本寬一三五×高一八五毫米
板框寬一五六×高二四六毫米

針灸逢源

〔清〕李學川 撰

上海中醫文獻研究所古籍研究室選
上海中醫學院圖書館藏
上海科學技術出版社出版

（上海瑞金二路四五〇號）

上海書店上海發行所發行 太倉縣影印廠印刷

開本七八七×一〇九二 三十二開 印張九·二五

插頁四 字數二〇〇,〇〇〇

一九八七年八月第一版 一九八七年八月第一次印刷

統一書號：一四二一九·二九七一 定價：精裝二·四〇元

ISBN 7-5323-0019-6/R·4

《中國醫學珍本叢書》序

中醫簡籍自秦漢之《黃帝內經》至晚清之《本經疏證》，自張機之《傷寒卒病論》至葉桂之《臨證指南醫案》，垂二千餘年，積一萬九千餘卷。其間名醫輩出，相互砥礪，各自成家，傳世著作達四百餘部。更有皇室宮廷，以其秘閣所藏，召集御院人才，匯成巨著。如唐之《本草》，宋之《聖濟》，清之《金鑑》。凡此種種，謂之偉大寶庫，當之無愧矣！

秦漢之際，竹簡韋編，書之成也實難；而得諸者每藏諸金匱，秘於靈蘭，書之傳也更難。故仲景著《傷寒》，八百年秘而不傳，至宋始得刊行。之後，雖有印刷術問世，然權貴壟斷，市賈索價，書之

刊行誠非易事。故瀕湖作《綱目》，景岳著《全書》，二公皆終其生而未皆書之印行也。然書之失傳，頗易事也。

我國醫籍以宋代爲盛，元明稍遜，清季略增。近代雖或影印、重排，而用力尚微。值此古木逢春，生趣盎然之際，我中醫學院圖書館所藏醫籍珍本，得我院所屬中醫文獻研究所古籍研究室精選，成爲叢書，即將付梓，非惟秘典得之流傳，亦爲後學之津梁也。余將借而讀之，買而櫝之，寶而藏之，故爲之序！

2428/34
金壽山

辛亥初夏

《鍼灸逢源》內容提要

《鍼灸逢源》係清代醫家李學川所編撰，成書於嘉慶二十年（公元一八一五年），刊行於嘉慶二十二年。

李學川，字三源，別號鄧尉山人，生平事跡不詳。李氏擅鍼術，因「今醫獨事方藥，視鍼灸為小技而忽諸」，乃奮編摩之志，意欲通方藥、鍼灸兩家之筏，使醫者能左右逢源，會歸一致，故「較《靈》《素》《甲乙》經穴之異同，參傷寒雜病方書之辨論」而撰就是書。

全書計分為六卷。卷一、卷二選輯《靈樞》、《素問》經文百餘篇，引錄名家注疏以祖述砭石原委，摛揭鍼灸要旨。卷三擷取歷代鍼灸專著及諸家醫論之精華，匯粹成編，以詳明經脈蘊奧、腧穴鍼法、證治要訣和禁忌調攝等鍼灸醫道。卷四專事經穴考正，校訂銅人經穴之謬訛，續補經外奇穴之闕略。卷五特列舉四十餘種病證之鍼灸治療取穴法，俾學者可因證以考穴，循穴以施治。鑒於「小兒體脆神怯，腸胃柔弱，鍼灸未可遽試，湯液或不能

投』本卷還介紹了小兒各種診法和幼科諸疾推拿法，以資不逮。卷六則剖析各科病症因由，以期臨症無遺。鑒，無乖古法，並附部分湯藥處方以濟鍼術之治。縱覽是書，探源《靈》《素》而薈萃羣言，考證經穴而補闕正訛，識病源以明治法，舉湯液以翼鍼道，不僅初學者可由是以登堂入室，專是科者可藉茲以探微索隱，即便其他從事臨床及基礎理論研究者亦能從中獲得有益的啟迪。

茲據上海中醫學院圖書館所藏清同治十年（公元一八七一年）重刻本影印。

鍼灸逢源序

歲乙亥春三月余掩關養疴鄧尉山人李君三源過訪
出其所纂鍼灸逢源一書相質正余曰聾者不可與別
宮徵瞽者不可與辨黑白余雖嘗涉獵岐黃書於方劑
略識一二而於鍼灸則懵然無所知安敢強作解人哉
李君曰不然夫道一而已自周禮有疾醫瘍醫之分而
醫之內外始判然吾觀古者以湯液治內以鍼灸治外
理本同條而其貫事實相濟以有成靈素詳鍼灸而略
湯液非毗外也長沙以後詳湯液而略鍼灸非毗內也
時世之淳澆民生之強弱使然也人身內而臟腑外而

經絡毛腠不過一氣一血相爲流貫故病有內有外有
由外及內有由內達外循環無端息息相通知湯液而
不知鍼灸是知人有臟腑而不知有經絡毛腠也知鍼
灸而不知湯液是知人有經絡毛腠而不知有臟腑也
病雖萬變人祇一身醫者必離而二之可乎哉且醫而
不知鍼灸將不知臟腑經絡之相爲表裏乎不知臟腑
經絡之相爲表裏則脉絡之交會起止氣血之生死出
入又烏從而測之胃昧以施其技不幾如思明者之掩
其目思聰者之填其耳乎余之爲此書非欲於前賢著
作外拔趙幟而立赤幟也意在通內外兩家之筏而使

之左右逢源會歸一致不至如斷港絕潢者之適乎此而不適乎彼也子其爲我校讐而存之余深韙其言晨窗展卷反覆商榷條分縷析發凡起例始則探源靈素繼則薈萃羣言正經穴之謬訛補註疏之闕略本銅人聚英資生神應鍼灸之法而廣其義於長沙河間東垣景岳審證之書因端竟委綱舉目張不特習鍼科者可因證以考穴按穴以施治先洞悉乎致病之由而後巧施其鍼灸之術卽習方書者亦可藉是以佐湯液之所不逮而上合乎靈素以暨長沙東垣內外相資鍼藥並用之旨其有裨於醫術者豈淺鮮哉余故樂得而序之

告

嘉慶丁丑歲春二月虞陽同學弟席亮麗農氏拜撰



續刻靈素序

昔者黃帝同岐伯少俞等六臣互相討論開醫學之源
傳靈樞素問卽內經也靈樞所論者營衛血氣之道路
經脉藏府之貫通天地四時之變化音律風野之區分
先立九鍼以備病所由治也素問所論者陰陽寒暑之
推遷飲食居處之得失五運生制之勝復六氣時序之
逆順察其脉色以明病所由生也然考其治病鍼灸最
詳自仲景聖著傷寒方論鍼灸亦有不可闕者如刺風
池風府期門灸少陰厥陰之類嗣後名家踵起方書益
盛而鍼灸亦兼及焉今醫獨事方藥視鍼灸爲小技而

忽諸則靈素書雖存而知刺法者鮮矣

學川

不揣孤陋

較靈素甲乙經穴之異同參傷寒雜病方書之辨論編
爲鍼灸逢源六卷所集靈素特揭經脉刺法諸篇以補
醫林傳誦所闕其藏象脉要疾病諸論無鍼灸者置之
弗錄蓋欲以別集合而讀之也第學者檢鈔不便茲復
採錄靈素四十餘篇並載集中大要與汪認菴類纂略
同而註稍詳今并授諸剗劂略述原委千卷端重望世
之高明誨余不逮云爾

道光壬午春閏三月李學川三源氏題于棣華艸堂



凡例

一靈樞素問論臟腑經絡表裏相應詳列腧穴鍼法開
醫道之原第全經浩繁近有素靈類纂醫經原旨等
讀本皆刪就簡要茲集靈素經文揭鍼灸之要以便
讀者而註解從王氏馬氏吳氏及張景岳類經叅較
而約取之

一明堂鍼灸圖三卷論人身腧穴及灼灸禁忌傳自黃
帝之書至宋仁宗詔王維德考訂鍼灸之法鑄銅人
爲式分十二經主治有銅人鍼灸圖三卷王叔雅資
生經取三百六十穴背面顛末行分類別以穴屬病

并千金外臺之法合而爲一滑伯仁十四經發揮詳具開闔流注交別之要通考六百五十有七穴今較正十二經左右六百一十八穴任督二脉五十二穴共計六百七十穴凡穴名三百六十有一又奇腧九十六穴凡穴名三十有五

一鍼灸大成刻本其辭繁雜法有舛誤學者難爲考據茲集首錄靈素兼採諸家較正銅人經穴叅詳論證治法編次爲六卷較諸鍼灸大成畧同而異

一小兒體脆神怯腸胃柔弱鍼灸未可遽試湯液或不能投故贅推拿一法以資所不逮

一茲集鍼灸證治悉本前書錄就簡要叅合指歸以期
臨症無誤病情無乖古法集中節目章句不盡詳書
名姓氏者省文也間有附意處用按字別之第識見
淺陋惟

高明正教之

鄧尉山人李學川識

總目

卷一

靈樞經文

卷二

素問經文

卷三

羣書彙粹

卷四

經穴考正

卷五

證治參詳

卷六

論治補遺

參閱姓字

席

亮號麗農

顧

潮號心齋